



UNIVERSITÄTS-
BIBLIOTHEK
PADERBORN

Universitätsbibliothek Paderborn

Bibliotheca Pontificia

Jacob, Louis

Lvgdvni, 1643

Eminentissimo Card. Ivlio Mazarini S.R.E. Principi Meritissimo, ...

urn:nbn:de:hbz:466:1-11153



EMINENTISSIMO
CARD. IVLIO
MAZARINI
S.R.E. PRINCIPI
MERITISSIMO.

FR. LVDOVICVS IACOB A S. CAROLO *Carmelita*
S. P. D.



*A videtur esse tuorum apud omnes
meritorum aestimatio (CARDI-
NALIS EMINENTISSIME)
ea praestantia dignitas, et rerum
gestarum adeo spectata magnitu-
do, ut mihi vel ipsum nomen tuum
in patrocinium et clientelam appellanti, necesse sit,
mei tenuitatem ingenij, nequaquam parem recensendi
tuis artibus, domi et militiae probatissimis, iam tum*

** 2 ob*

ab initio dicendi pratexere, quam si palastra quadam
Eloquentiae faelicior adiuuisset, si reconditoris littera-
tura adiuuenta praecipua commendassent, ieiunam
tamen, & inferiorem conatibus hisce meis existimem,
adeò si quidpiam aliquid tuo nomine dignum, etiam
meditatione assequi se posse confideret, ut eam, deprecaturus à te, quam inferret, iniuriam, temeritatis conu-
ctam apertè condemnarem.

Quamobrem illius mihi maxime conscius, non ag-
grediar ad virtutum tuarum texendam panegyrim,
quarum laudem splendescentem ubique (ut cum Ly-
rico loquar) mediocris ingenij culpa detererem, ac
potius interea dum versabuntur in hac argumentosa
sanè materia viri studiorum fama percelebres, (quo-
tus enim illorum quisque est, quem sua in id sponte
propensum, rerum à te gestarum iucunda commemo-
ratio non incitet.) Dum, inquam, illi nihil omittent
industria, quae tuo nomini deseruiat, nullum orna-
mentum à se desiderari patientur, quod argumenti di-
gnitas expostulet. Dum apum dulcetudinem suavis-
simis tuis moribus adumbrandis, Socraticis arculas &
pigmenta delicatissimis ingenij tui ductibus delinean-
dis, Tullianam eloquentiam figurarum vehiculo
triumphantem sermonum tuorum attollendae maie-
stati, Poëtarum castrum, mentemque diuinissimam
consiliorum tuorum rationibus exponendis, ac demùm
omnes omnium colorum concursus, eminentiam, & di-
stinctissi

stinctissimam confusionem virtutum effingendis tuarum lineamentis, felicissimi utique opifices adhibebunt. Ego & maximum capiam fructum singularis omnium in te benevolentia, & mea (quæ certè nemini concedet vnquam) vt ne significationem desideres; non panegyrim, non arculas, non pigmenta, non Poëtarum cantus, non elucubrationem vnius operis, sunt enim hæc obuia vel cuiilibet, sed Bibliothecam integram, & Cardinali meritissimo Pontificiam eandem consecrabo.

Atenim ne nomen tuum Europa toti celeberrimum temerè videar, EMINENTISSIME CARDINALIS, huic Bibliotheca Pontificia præfixisse, momenta rationum edisseram, quæ me mouerunt potissimum in tuam clientelam obtrectatorum insania vindicandæ confugerem. Mouit me in primis humanitas tua singularis, & dissertationum oratoriarum auscultatio sanè quàm diligens, habet enim admirationis non parum, quod oculatus testis obseruare potui, Romæ vigent etiamnum Academia, celebrant illas viri omni scientiarum laude Principes, Philologis concessus est frequens, texuntur Poëmata, recitantur orationes ex tempore, feruet disputatio rerum arcanarum solers indagatrix, conuolant Auditores, applauditur, quæ quidem exercitationes ingeniorum cum laudatissima sunt, tum eo plerisque omnibus gratiores acciderunt, quod non rarò præsentia tua cohonestasti, probasti iudicio,

* 3 &

Et in disputationem interdum mira litteratorum congratulatione descendisti.

Quid quod Bibliothecam ibidem instruxeris, quam selecta librorum suppellectili, magnis impensis, non modo locupletasti, sed etiam ornasti ita belle, ut nominatissimas quasque post se relinquat, quanto bene de literis meritorum compendio, inde licet aestimare, quod illius illis aditum non tam patefecisse, quam, quæ est humanitas tua, maiestatem tuæ purpura reueritos, ad eam compellere videaris, cuius Bibliotheca commodis mirum quantum faciet, quod eam in palatio tuo Quirinali Musarum amenissima statione collocandam designasti, prouinciamque dedisti librorum delectum habendi Gabrieli Naudæo, cuius cum ante summam eruditionem pariter et integritatem vitæ Roma suspexerit, in eam spem de te iam venit, ut talis ac tantus vir te impulsore sibi postliminio concedatur.

Accedit quod Ioannis Lotti, et Bartholomei Tortoletti, aliorumque doctrinæ non vulgaris hominum fortunas, partim commendatione tua iuueris, partim etiam intuto collocaris, nullumque omnino officium pratermiseris, quod à te posset in litteratorum ornamentum proficisci.

Quæ cum omnia per illud tempus inspicerem, quo mihi Romæ esse summa cum animi mei voluptate licuit, cepit me primum tuarum virtutum ingens admiratio, excepit deinceps admirationem meam ardens
signifi

significanda in tantum virum obseruantia desiderium,
quo defunctus esse mihi aliquatenus videor, cum Bi-
bliothecam istam Pontificiam tuo nomini dedicaui,
qua noctibus Romanis elaborata, Quirinalem tuam
adire gestit, & in ea perinde quasi in Apollinis Palatini
templo sempiterna posterorum memoria commendari.

Et verò eternitatem spirant, quaecumque te spe-
ctant, impleuisti Galliam famâ nominis tui, Hispa-
niam prudentia laude, sanctimoniâ morum Italianam;
quid magis eternum, quam quod eterna populorum me-
moriam consignatur. Te litteratorum Mecœnatem fa-
cient eternum studiosorum monumenta. Te Principem
Ecclesie meminere qui ex alijs alij nostram aetatem
consequentur. Ego, quod in votis est ut maximè, quan-
diu Pontificia littera non silebunt, famam nominis tui
apud posteros immortalẽ deriuabo. Vale.

Datum Lugduni die 1. Decembr. ann. salutis 1642.

PRÆFA